

nui densa cinerea obducta, unde fusco-cinerea vel plumbea apparent; punctis sub-seriatis impressa, lineisque 2 vel 3 sub-elevatis in singulo notata; in ipsa basi interiore juxta scutellum, macula magna flavo-testacea, postice bifida. Corpus subtus flavo-testaceum sub-læve, pectore pallido-pubescente, interdum litura laterali nigra notato; abdominis tria prima segmenta plaga magna media, quartum macula angusta baseos nigris; quintum canaliculatum, apice nigrum. Pedes breviusculi flavo-testacei, tenue pubescentes, tarsis obscurioribus.

G Y L L E N H.

260) *SAPERDA MOLYBDÆNA*: parva, filiformis, cæruleo-chalybæa tota, unicolor; supra punctatissima, subtus subtilissime obsolete strigosa; antennis longitudine corporis.

Habitat Halæ Saxonum. Dom. Sturm. Mus. Schönherr & Gyllenhal. Fere minima hujus generis, *S. præusta* paullo longior sed duplo fere angustior, filiformis unicolor, parce cinereo-pubescentis. Antennæ corpore vix longiores, nigro-fuscæ, subtilissime pallido-pubescentes, interjectis pilis longioribus sparsis subtus. Caput thorax & elytra cæruleo-chalybæa, æqualiter confertissime punctata. Thorax elongatus cylindricus; elytra valde elongata, linearia; os & oculi nigri. Elytra apice cinereo-pubescentia; scutellum albido-pubescentis. Corpus subtus concolor magis nitidum, subtilissime obsolete strigulosum, cinereo-pubescentis. Pedes mediocres, graciles, læves, fusco-chalybæi, tenue pubescentes.

D A L M.

261) *SAPERDA KIRBYI*: brevior, nigra, thorace angulato-dilatato, supra fortius rugoso-punctato, luteo-ti-vittato, elytris umbrinis unicoloribus, apice singulatim rotundatis.

Habitat in Lusitania. Dom. Lundstedt. Mus. Schönherr & Gyllenhal.

*Sap. Cardui* affinis, sed latior & brevior, statura fere *S. Seydlii*. Caput breve latum nigrum, confertim punctatum, pube densa lutea tectum, immixtis pilis longioribus nigris erectis; os & palpi nigri; oculi lunati brunnei, modice prominuli; frons inter antennas profunde sulcata; verticis latera nuda, sed in ejus medio vitta lutea, thoraci contigua. Antennæ corpore parum longiores, setacæ, articulo primo magno elon-